

欽定剿平三省邪匪方略

欽定剿平三省邪匪方畧正編卷二百六十九

辛酉年

八月十二日

丙辰

德楞泰奏言查龍逆等股賊匪

前竄至開縣姚城壩石洞溪經官兵剿殺敗向

黎兒壩奔逃

臣

卽帶兵前進十九日行至觀音

廟探報龍逆等現率衆向峯竹廠大山箐林奔

逃相距不遠當卽督同將領兵勇馳抵山脚見

山頂高峻路徑曲折陡險馬力不能施展隨令

馬瑜蒲尙佐同將領等帶滿漢兵勇步行層層
進逼直至半山該逆憑高堆放亂石紛紛滾下
兵勇冒石攻搶受傷者數人相持一時之久不
能得手因令叅將馬濟遊擊王玉龍等帶兵繞
至正對巖坎之謝家灣小山梁安設礮位轟擊
又詢得旁有小成園一路馬隊魚貫而行可以
抄出大埡口

臣

卽督同賽冲阿溫春等帶領馬

隊由小成園抄截該逆等被礮連環擊斃多人
已形潰亂又見馬隊抄來賊衆遂敗走雙廟子
步兵搶上巖坎奮力跟剿馬隊由大埡口壓下
殺賊三百餘名生擒尹國珍鄧春元等二百餘
名追剿十餘里又殺賊五六十名生擒王明貴
等四十七名餘匪向風竹壩老林逃竄訊據獲
犯尹國珍等供稱龍紹周等原有七八千人被

官兵由陝楚趕剿入川屢次殲擒逃散今所存
不過三千餘人今日總兵熊世金先鋒何萬益
帶八百戰手斷後因熊總兵被毆打死又見馬
兵旁邊抄來是以敗走等語當令指認熊逆屍
身僉供無異訊明後卽分別辦理二十日臣帶
兵跟蹤由風竹壩進發探報該逆走相子坪老
林出響嶺子路徑險仄又欲折向太平山內臣

卽令李應貴馬元馬濟李應元等帶領步兵跟

蹤追剿

臣

督同賽冲阿溫春等帶領馬步兵勇

扼住北面翻雪漁山走寒溪寺該逆被兵緊追

又折入大山老林向大茶園木廠溝其勢又欲

北出修基壩希圖遁入陝境

臣

卽取道明通井

翻旗桿大山抄出十二菴遏截二十四日至紅

花溪已截其去路接據副將李應貴等稟報龍

逆於二十二日二更後在黑豆坪吳家大壩起
營向木厰溝三溪子奔逃李應貴等帶兵三更
起營順河包截午刻兵勇齊抵三溪子賊見官
兵殺來向左手老林奔逃該副將等卽帶領兵
勇趕上殺賊二百五六十名生擒僞先鋒楊貞
禮等六十六名口分別押解來營訊據楊貞禮
楊貞秀供係太平縣賊口人於二年間投入賊

營楊貞禮現爲先鋒楊貞秀爲探馬頭其餘周
開文等十六名俱係精壯戰手訊明後一併正
法其張士龍餘黨二三百人見官兵追殺緊急
遂分竄偏巖子籬筐溪而逃二十四日途次十
二巷探報有由籬筐溪竄來賊匪二三百人相
隔數十里臣卽督同賽冲阿溫春等帶領馬步
官兵迎剿該逆一見官兵卽捨命向東四散狂

奔經馬步兵勇分追沿途殺賊六七十名生擒
夏朝武張汪氏等三十名口餘匪遁入百里荒
老林時已天晚隨訊獲犯夏朝武等供係張士
龍餘黨在三溪子又被官兵剿殺分投逃奔要
過紫陽山內張汪氏是襄陽人係張士龍之妻
營中呼爲二掌櫃訊之張汪氏始猶支吾經衆
口指摘不能抵賴乃自認不諱詰以賊營情形

竟無一語惟求速死卽與夏朝武一併正法二十
十五日五鼓由百里荒前進又據李應貴等稟
報二十四日卯刻帶兵趕至五雷寨山梁適賊
由紙廠溝柳家壩竄來當率兵勇搶上山頂直
追至溝底又殺賊一百四五十名生擒僞總兵
李懷玉等六十三名口餘匪紛紛翻界嶺竄向
大寧之新田壩遁去並據將僞總兵李懷玉等

押解來營訊據李懷玉供係四川渠縣靜邊寺人早年習教是龍紹周徒弟同時起事連年領兵打仗龍紹周股內人數原多今被官兵追殺因熊總兵被礮打死是夜總兵劉登先鋒王海洪鎗手頭唐有瑞俱卽逃去戰手亦多逃散現在連婦女幼孩不過千餘人騾馬不過百十四要往大寧張家營亦只有二三百人本要到陝

西去又被官兵截殺此時或走湖廣或去陝西
都無定見總欲躲開官兵等語訊後亦俱分別
辦理計連日沿途逃出難民來營請票者共計
八百五十八名口內有偽千總劉建云旗手李
文光並戰手多名俱已隨時撫卹安慰又據李
懷玉供出前往賊營解散黨與之陳大貴郭安
泰因營中逃散人多龍紹周查知係伊二人布

散流言當卽殺死是賊黨之解散亦由陳大貴
等回營宣傳所致茲被戕害殊爲可憫頃探龍
張二逆前後均由黃蓮壩東走勢向大寧之和
岡溪徐家壩奔逃該處盡屬極險老山箐林日
行百里內外臣亦明知賊計意在疲我兵力而
釜底游魂又不得不乘機趕緊剿除計旬日間
鼓勵兵勇趕剿三次共殺賊八百餘名生擒四

百餘名除渙散外陸續投出者八百餘名官兵
備嘗艱苦仍未能一鼓集事總爲地勢所阻但
賊中鎗礮全無卽矛手亦僅存其半故每日惟
恃走險以避官兵又太平之大成寨索羅寨開
縣之姚成寨馬家寨大寧之新田寨龍洞寨於
賊匪過時均能率團勇截剿並將活賊解送來
營臣俱面加獎勵酌賞銀牌情形極爲踴躍再

查冉學勝股匪前在大營山內被副將應元寬
叅將張瑗等追剿近又追至太平之黃墩頗有
斬獲所剩無幾該逆情急翻界嶺竄陝其湯思
蛟股匪前向渡口巖奔竄近探由蔣壩嘴走七
里溝而入太平山內七十五日來曾否接仗尙
未得其來信臣現已照會令其趕緊剿辦其劉
朝選辛聰二逆業又尾隨湯思蛟賊股竄逃苟

文明一股仍在太平老山毗連紫陽邊界遊奕
唐明萬一股並再添泗及王士虎之餘黨俱由
雲開逃往東太又大寧屬之團城一帶老林內
尙有張姓一股賊匪屯踞又接據勒保來信高
見奇並冷姓股匪尙在廣元境內東北老林往
來滋擾又稱通江另有一股賊匪查川省賊股
雖多每股或二三千人或千餘人數百人不等

均係各路剿敗餘孽勢皆散渙而民間洞寨嚴
緊不能肆行擄掠故多在東太通巴南廣各屬
山內苟延殘喘勒保現在通巴一帶督率阿哈

保薛大烈等剿辦

臣

趕緊將龍逆餘匪掃除淨

盡卽當移師太平探明截剿斷不致令其滋蔓

再查

臣

所帶滿漢步馬兵勇共六千餘名自新

正在漢江北岸之山陽一帶將高二一股賊匪

賊擒後移師南渡於紫陽界內剿辦龍逆等股
賊匪萬餘之衆旋因徐添德等大勝賊匪屯踞
於興山一帶臣卽帶兵入楚追剿剪除嗣卽由
些陽帶兵徑赴平利大貴坪與額勒登保會合
額勒登保見臣一路馬步兵勇跋涉艱苦奏明
將現存賞需銀兩撥給三千兩又撥給兵勇衫
褲鞋履各一千件馬騾共三百匹又陸有仁解

送衫褲鞋履各二千件軍容煥然一新斯時龍
逆等賊股七八千人聚屯於八仙河灤河一帶

臣自六月初十日由松樹廟進剿後輾轉追逐

於秦蜀楚三省邊界老山至今五旬屢加擒斬
該逆只剩一千餘人屢訊獲犯難民僉供賊營
患病及腿脚腫爛者極多看來不難卽日掃淨
惟兵勇兩月以來晴雨不分奔馳於老山箐林

之中陰沴蒸鬱路途陰仄亦多跣足無鞋兼患
痢瘡及腿脚腫痛者隨時查驗寄留硐寨茲於
太平山內復將滿漢患病及無鞋並馬匹疲瘦
不能行走兵勇一千餘名派令吉林佐領塔津
保黑龍江佐領巴圖山遊擊楊森等管帶至太
平縣妥爲調治至軍糧一項山中洞寨雖有屯
貯每與兵行之處相左稍近尙能運送到營遠

則非道路梗阻卽兵去已遠

臣

又不敢舍賊就

糧其川楚餉銀先准吳熊光勒保早經撥發派

委候補道海昌同知常發祥各管解探運前來

而賊蹤朝秦暮楚兵行迅速勢亦刻難趕及計

現在存營兵勇不過四千餘名馬匹不過四五

百以之剿辦龍逆等殘匪僅足敷用至綠營軍

裝衣鞋等項早經調貯太平現又飛札省局調

撥成都滿營壯馬三百匹及弓箭等項亦令其
運赴太平聽候調取一俟龍逆賊股辦竣臣擬
帶兵徑趨太平整頓兵馬卽行趕赴廣南一帶
自北而南進剿不但賊股不能竄陝又可兼顧
嘉陵江岸一切就近與勒保籌商趕辦冀紓

聖厯奏入

上命軍機大臣傳諭德楞泰曰此次龍張二逆經德

楞泰督同賽沖阿溫春等緊躡追剿先後殲擒偽
總兵熊世金首逆張士龍之妻共計一千二百餘
名投出新舊賊匪八百餘名所辦尙好德楞泰著
賞給四喜玉牌玉搬指金盒大小荷包賽沖阿溫
春著各賞玉搬指大小荷包并發云搬指搬指套
各十件小刀十件分賞軍營出力官弁至兵勇等
自新正在漢江北岸剿捕高二餘匪移師剿辦龍

逆等股旋復至楚省竹山一帶辦理徐添德大股
賊匪追剿剪除兩月以來追捕龍逆於秦楚蜀邊
界老山之內不分晴雨備嘗艱苦以致多有疾病
除俟此股辦竣普行加恩外著發去一兩重銀牌
二百面五錢重銀牌二百面交德楞泰分賞現在
打仗出力兵丁其養病兵勇內有曾經出力者亦
著一體賞給德楞泰仍飭地方官將帶病兵勇加

意醫治調養目前龍紹周張士龍等股均向大寧
之徐家壩奔逃看來賊勢十分窮蹙不過於老山
內輾轉竄逸苟延殘喘既不肯棄械投出惟有力
加痛剿務於八九兩月內全行剿淨速歲大功再
前赴賊營解散黨與之陳大貴郭安泰二人被賊
賊害情殊可憫著德楞泰查明該二人有無眷口

酌量賞卹

同日

上命軍機大臣傳諭張誠基曰現在各股零星餘匪俱竄向川東川北一帶地方額勒登保德楞泰等督兵分剿指日即可蕆事但大兵雲集需用餉項尙多據張誠基奏稱江西藩庫現存銀八十四萬餘兩堪以撥用著卽於此項銀內動撥三十萬兩派員迅速解赴川省交勒保收貯應用

十三日丁巳額勒登保奏言臣昨行抵西鄉之九

真壩因賊匪零星奔竄卽率同札克塔爾及侍

衛將領等由右路麻池寺紅椿埡而進楊遇春

格布舍等帶領馬步兵勇由左路之長嶺中山

廟而進臣一路官兵於初二日申刻趕抵涼橋

探得張添倫姚馨佐及楊開甲餘匪在石椿埡

山後屯劄又探有一股賊匪約二千餘人在小

巴山後有奔松樹壩之勢臣查楊遇春由三元

壩中山廟而進定可出松樹壩趕擊其張姚賊

股距臣只有兩重大山因山峽深窄天色已晚

卽於涼橋暫劄該處四面大山密林傳知各將

領等嚴密巡察定於四鼓發兵進剿乃三更時

忽有賊匪數百人潛來偷撲前敵寧固官兵營

卡副將王福率領弁兵抵禦因兵數本單守備

任洪福身受矛傷兵丁傷亡數人

臣

令札克塔

爾帶同副將楊芳率領本營兵丁接應鎗箭並
發斃賊十數人拿獲受傷賊匪五人賊不能支
卽行敗退訊據獲犯阮有德等供稱係張添倫
姚馨佐股內派出三百人在山頂樹林中藏匿
要乘夜赴大營偷取驛馬被官兵知覺只得攻
撲抵拒當將獲犯等正法時將五鼓卽率同札

克塔爾等帶領兵勇跟蹤進擊該匪等已奔崔
家坪歸入大股賊匪知有兵來全股竄向紅羊
河而去副都統銜全德侍衛安福帶領馬隊官
兵先行追剿箭斃賊匪二十餘人該匪奔上五
塊石堖山梁路徑陡險兵勇奮力競上該逆等
不由正路下竄忽旁趨深林正擬入林搜剿見
山下瓦殿坪另有賊匪二三百人向山上奔竄

令札克塔爾楊芳等帶領兵勇迎頭下壓該匪
一見官兵卽行潰敗我兵刀砍矛戳斃賊七八
十名生擒二十餘名并僞先鋒楊步青一名餘
匪順溝逃竄守備劉明德策馬奮勇壓賊馬跌
墜崖致傷頭面兩腿頗重訊據獲賊供係由漆
泗王士虎股匪繞到松樹壩卽被官兵衝散逃
走_臣查此股賊匪係楊遇春帶兵剿殺當卽催

令兵勇趕往松樹壩楊遇春業已帶兵緊追前進並將生擒逆首王士虎僞先鋒王士勤蒲興浩及餘匪百餘人酌留官兵在彼看守據隨同楊遇春一路之遊擊劉健標回稱該提督昨晚於漁陽地方探得賊匪由徐家河奔竄五鼓時格布舍帶領馬隊由油盤堽順河進發楊遇春帶領步隊兵勇由報曉堽沿山梁而進該匪正

到松樹壩前隊已竄過山梁只遇在後賊衆七
八百人兩路官兵一齊趕到奮力剿殺該匪卽
四散驚竄我兵分投追擊斃賊一百數十名生
擒一百餘名有騎馬賊匪二三十人率領精壯
矛手三百餘人拚命抵敵且戰且走較衆賊倍
爲兇悍我軍知有首逆在內均奮勇上前圍殺
各匪於馬上手執長矛戳傷兵勇數人官兵

勇愈深忿恨當將騎馬之賊射死五六人亂矛
斃賊八九十人首逆王士虎身受數傷與僞先
鋒二名同時擒獲等語又據楊遇春格布舍差
弁解送賊犯到營報稱該提督等沿途冒雨追
殺斃賊數十人首逆冉添泗被我兵緊追墮馬
經鄉勇楊應高擒獲又生擒僞總兵王士會一
名餘匪三十七名賊現由大池壩奔竄我兵仍

分路緊追等情

臣

當將先後所獲矛手馮貴生

等九十五名均卽連夜訊明分別凌遲正法查

王冉二逆旣已生獲必須乘勢將餘匪掃蕩次

早仍率同札克塔爾由大池壩接續楊遇春前

進於初四日晚間抵箇池壩是日楊遇春一路

除沿途殺賊七十餘名外又差弁解到活賊一

百六十三名並僉總兵朱九礮一人到營其冉

添泗王士虎二逆另錄供詞恭呈

御覽冉添泗係冉文傳之姪冉添元之弟冉添元就
獲後伊卽充僞元帥旋充僞老掌櫃王士虎本
冉添元營僞總兵自冉添泗充爲老掌櫃後伊
亦稱爲元帥該二逆均係怙惡多年實屬惡貫
滿盈今幸仰仗

天威同時生獲洵足以大彰

因憲臣

因餘匪尙未一律殄平恐有須令質認等

事現擬暫解西鄉監禁另行辦理其朱九礮等

及續獲之矛手陳超龍等八十五名均卽正法

又先後拿獲之劉得智等一百四十二名並婦

女十四口訊明實係被脅未久之人分別川陝

解交通江西鄉兩縣遞送回籍妥爲安置

臣擬

將擒獲首逆冉添泗王上虎二名之兵丁鄉勇

按首逆一名賞銀五百兩偽總兵先鋒五名各
賞銀一百兩其餘擒斬賊匪各兵勇亦一併酌
給銀牌銀課

臣

現已至兩河口探得王冉餘匪

七八百人係偽先鋒苟文通冉添順帶領連夜
狂奔向通江之柳林溪逸去張辛等股及楊逆
餘匪約計二千餘人因被我兵追剿不敢西趨
已由巴山林馬家壩折向東北之塔壩河及皮

貨舖逃竄其冉學勝殘匪二百餘人大約附合
該股賊匪竄去

臣

已飛行札知總兵富蘭胡定

泰等各帶官兵顧住箭桿山星子山杜其北竄
並合力探蹤迎擊至王冉餘匪爲數無多不值

以大兵深入川境爲所牽綴查高見奇一股已

奔南江界聞勒保率同阿哈保薛大烈正由廣

元入南江一帶躡蹤追剿

臣

前派永明蕭福祿

所帶兵勇亦與被路聯絡若由西向東趕剿亦可迎擊冉添順等殘匪其陝境西鄉南面龍池場現有慶成帶兵在被堵剿亦擒捕敗潰零賊二十餘名花石梁鍾家溝有九十帶兵在被防剿亦無虞其蔓延陝境臣現擬由簡池壩向東趕辦張辛等股賊匪並聞樊人傑帶領餘匪數十人逃入苟文明股內現竄至太平千龍礮七

里溝一帶此係大股匪衆臣亦可隨時偵探兼

剿再前聞首逆冉添泗王士虎二犯春間業經

川中官兵殲斃何以又有其人反覆訊詰據供

實係冉添泗王士虎今春與樊人傑徐萬富由

廣元竄入川境連次與官兵打仗徐萬富先被

官兵殺死又在碑灣寺被官兵截剿衝散後在

太平白沙河會合等語據該逆所供或係川中

殺賊割取首級令人識認之時未能確切以致
錯悞亦未可定再連次出力人員謹分別開單
呈

覽仰懇

恩施鼓勵奏入

上命軍機大臣傳諭額勒登保曰冉添泗王士虎俱
係起事首逆習教多年先後充僞元帥罪大惡極

經額勒登保派令楊遇春格布舍率領馬步兵勇
由油盤埡報曉埡分路進攻王士虎身受數傷與
偽先鋒二名同時擒獲再添泗被我兵緊追墮馬
經鄉勇楊應高擒獲又生擒偽總兵王士曾一名
所辦實爲可嘉額勒登保分撥派往調度得宜著
加恩交部議敘並賞給金盒玉搬指大小荷包楊
遇春格布舍冒雨追殺分路截擊實屬奮勉出力

著加恩交部從優議敘并各賞給楊遇春格布舍
玉搬指帶板大小荷包又發去鼻煙壺五件搬指
套十件一兩重銀牌二百五十面五錢重銀牌二
百五十面交額勒登保分賞此次出力將領弁兵
以示獎勵其擒獲冉添泗之鄉勇楊應高及擒獲
王士虎之兵丁等俱著額勒登保分別賞給銀兩
並將楊應高加賞頂戴兵丁拔補外委現在王冉

餘匪所剩不過七八百人無難尅期掃蕩其張辛等股及楊逆冉學勝樊人傑苟文明等各股餘匪由皮貨鋪七里溝一帶竄逃額勒登保已由簡池壩向東趕辦務當督率楊遇春札克塔爾等趁此秋高氣爽土馬飽騰之時於八九兩月內將各股賊匪一律殄平捷音遞到立沛殊恩額勒登保等不可不倍加奮勉也至冉添泗王士虎二逆雖係

署名之犯然尙非緊要首逆拿獲之後自應隨時
辦理著額勒登保將該二犯審訊明確後卽行凌
遲處死該二犯此次被獲審明實係正犯春間或
係川中認辨錯悞已令軍機大臣詳晰查明再行
降旨

上諭內閣曰額勒登保查奏連次出力員弁兵勇單
內廣東南雄協副將國興阿四川提標左營遊擊

張傑廣西桂林營遊擊張鍾琪四川疊溪營遊擊
王得勝湖北衛昌營守備劉明德四川候補直隸
州大足縣知縣李凱俱著加恩賞戴花翎廣西義
寧協副將陳尙德四川維州協右營守備張超著
賞換花翎直隸正定鎮左營守備萬興甘肅紅水
營守備朱福壽山東臨清營千總徐大凱四川提
標中營千總宋連四川靖遠營千總伍魁英雲南

臨元鎮中營把總陳希聖廣西柳州城守營把總
梁君聘四川泰寧營外委胡廷棟李應龍甘肅貴
德營外委楊英甘肅寧遠堡外委田萬春四川瀘
州營額外外委馬魁直隸河屯協額外外委翟廷
濬兵丁姜春華廖世光王啟鳳王天福趙必秀朱
永秀鄉勇頭李倫楊天佑汪啟清陳占魁向俊楊
應高王洪謨趙啟貴俱著加恩賞戴藍翎以示鼓

勵

同日勒保奏言臣前在大茅坡將高魏兩股賊

匪痛加截剿殲擒僞元帥先鋒等多名維時官

兵因爲雨水所阻遂致賊蹤竄逸稍遠臣由馬

家坪向東北一路趕緊進發途次據附近之蓮

花寨大寶寨九族寨印石寨興隆寨蓼葉碕各

首領人等將拿獲賊匪王大全等九十六名先

後解營訊明俱係從賊日久充當牌頭賊手當
向查訊賊蹤據供實不知匪衆所向隨即正法
各寨民已逐一賞給銀牌隨即向南江一路星
馳前進高逆一股已竄至西河口魏逆一股在
野人村會合不知姓名零匪一股同竄至木竹
崖碑壩等處兩股賊匪分竄地方俱在南江邊
境老林

臣

督同阿哈保薛大烈等帶兵趕退平

河適肅福祿帶兵由寬灘河橫擔梁一帶兜截
前來會合現由趕場溪桂門關等處分投兜截
至七十五一路官兵自楚回川剿辦湯劉等逆
茲於初三日接到該提督知會據稱帶兵兜截
賊匪在楚省得有勝仗跟剿回川在紅池壩三
寶山等處地方趕上賊尾均有斬獲七月十五
日至龍潭河途次復追獲逃散賊夥四十餘名

查訊該匪有竄向馬家營舊巢之勢七十五卽
連夜帶兵趕緊前進該匪一聞官兵逼近復從
樊噲店折竄花柳園次日七十五卽從渡口巖
渡河派侍衛武隆阿同將備等由冷風槽繞出
花柳園之右又派遊擊閻俊烈等由順河繞出
花柳園之左七十五帶領副將張良槐等督兵
策應閻俊烈等前隊甫抵該境望見賊匪約有

八九百人正在攻圍民寨一見兵到賊卽搶占
山梁與閻俊烈等之兵相拒移時適武隆阿等
兵到兩面夾攻賊衆奔潰官兵乘勝追殺斃賊
三百八十餘名生擒二百五十名賊卽乘夜由
馬家亭奔竄訊據活賊鄭啟太等供稱此股有
湯廣張三元帥在內其餘尚有辛劉兩元帥在
前路埋伏復令帶認賊屍內有僞先鋒苟廷一

柯祥貴探馬頭陳洪先三人其餘不過戰手隨
將該犯等正法正在移營跟剿適接據探報劉
逆一股賊衆六七百人連夜由箐林子淌過渡
口巖河向桑樹坪一路竄去七十五隨督催官
兵探路進剿武隆阿傅森額鄭啟貴羅思舉何
文韜等帶兵行抵溫水溝賊匪果伏其間一見
兵至卽從兩邊林內撲出官兵奮力仰攻擊斃

執旗賊三名賊尙齊力抗拒七十五親統將弁
兵勇從溫水溝左首山梁壓下賊始逃竄鄭啟
貴羅思舉蕭太和閻俊烈等四路搜捕計生擒
賊匪二百九十七名該匪紛紛潰散惟騎馬賊
三四十人步賊六七十人向大窩堂逃去七十
五催兵追趕復斃賊二十餘名生擒騎馬賊二
名餘匪被迫情急有向陡崖滾落及用刀矛自

行戮死者惟剩三四十人大半空手向小溪坪
逃竄當派兵勇趕捕以期淨盡現獲活賊內訊
有劉勅選之弟劉清選湯思蛟之姪湯步武王
三槐之姪王先魁旗手賀成富及戰手劉永太
等二百五十一名並於賊屍內指認老教掌櫃
韓大礮等五名總探馬頭吳泳祿楊正剛等二
名當將各犯訊明正法難民楊昌富等四十六

名已交開州分別安插現在該逆等已竄東鄉
縣之金鷺寺普光寺一帶七十五業經緊蹙追
剿辦理似覺得手

勒保又奏言

臣

欽奉

諭旨令飭查徐添壽係何人擒獲及王騰鳳如何盤
獲情形查阿哈保薛大烈等前在石叻山打仗
時見有騎馬賊一人指揮賊衆形狀克悍千總

蔡文瑾帶領兵丁蘇貴常應喜曾茂學向有能
等四人一擁向前將該匪所騎之馬砍倒該匪
落馬賊衆搶救蔡文瑾等奮力連斃數賊遂將
該匪生擒被擒各賊均指認爲徐添德之弟徐
添壽該犯亦自認不諱臣現將蔡文瑾等列入
清單擬請

施恩至王廷詔之胞姪王騰鳳一犯前經官兵擊散

後由陝入川路過朝天關係該處守卡兵丁傅
文開張洪楊玉俸廣元縣差役李朝郭斌等盤
獲_臣已捐銀五十兩傳

旨分賞訖再遵查柳林店華尖壩石灣山三次打仗
並咨查七十五一路在茅壩打仗各出力人員
內_臣一路有協領達斯呼爾岱副將張續身先
士卒疊著勞績七十五一路有頭等侍衛武隆

阿厯在前敵奮勇出力其餘將領兵勇人數較
多不敢全行臚列當與阿哈保七十五薛大烈
等詳加斟酌謹擬應陞應賞各員名開繕清單

恭呈

御覽伏候

聖裁奏入

上命軍機大臣傳諭勒保曰七十五一路官兵自楚

回川剿辦湯劉等逆途次均有斬獲茲於花柳園
桑樹坪地方趕上賊匪痛加殲殺先後斃賊四百
餘名生擒五百四十餘名并訊出劉朝選之弟劉
清選湯思蛟之弟湯步武王三槐之姪王先魁等
卽行正法所辦尙好著賞給七十五玉搬指大小
荷包並發去銅盒鼻煙壺各十件分賞此一路出
力將弁但此次摺內所敘止係七十五一路打仗

情形而勒保所辦高魏兩股之賊並未續行接仗
此數日所辦何事其摺內稱馬家坪一帶途次有
附近峒寨頭人等將陸續拿獲剿散賊匪王大全
等九十六名解營俱經訊明正法該寨民能認真
協力盤獲賊匪多名且無妄拿清弊甚爲可嘉茲
發去一兩重銀牌二百面五錢重銀牌二百面著
勒保酌賞擒獲賊匪之寨民等并交七十五分賞

此次出力兵勇現在湯劉等匪竄往東鄉七十五
帶兵緊躡該匪經此次被剿之後業已亡魂喪膽
且餘匪已屬不多七十五務須趕緊剿辦果將湯
劉二逆股匪全數剿淨朕必將七十五格外施恩
至高魏兩股屢經勸保殲敗大形潰散不難一鼓
集事勸保惟當鼓勵官兵殲除淨盡不可再有遲
緩

上諭內閣曰勒保奏查明疊次打仗出力人員單內
頭等侍衛武隆阿黑龍江協領達斯呼爾岱著賞
給副都統職銜副將張績著記名以總兵簡用三
等侍衛塔什拉著以二等侍衛陞用叅將鄭啟貴
著賞給副將銜遇缺卽補齊齊哈爾驍騎校委叅
領依爾庚阿著賞給多托哩巴圖魯名號叅將羅
聲臯著賞給濟特庫勒特依巴圖魯名號李錦麟

著賞給額勒錦巴圖魯名號遊擊傅廷佐著賞給
綽克圖巴圖魯名號布特海副總管格亨德爾領
催薩凌阿遊擊鄔海慶守備李朝相俱著賞換花
翎都司張拱辰著賞戴花翎盛京額外驍騎校常
祿黑龍江委章京鄂勤保領催富永阿甲兵烏努
木保布特海委官鳳喬甲兵佛多佟善格色訥齊
齊哈爾甲兵靠保把總艾如龍外委馬魁劉鍾彥

馬天魁向思璜翁旭額外外委楊福目兵何晏鄉
勇曾天成等俱著賞戴藍翎健銳營藍翎長興安
泰保慶俱著賞給額外前鋒校遇缺卽補布特海
領催委章京巴爾佳布領催禪什保黑龍江領催
常新保托隆阿噶爾岱齊齊哈爾領催珠爾善吉
林布特海烏拉甲兵六花連保俱著賞給額外驍騎
校遊擊李得桂涵都司傅廷標馬成林薛陞俱著

以應陞之缺陞用至千總蔡文瑾目兵蘇貴常應
喜曾茂學向有能等四名同時出力將徐添壽生
擒蔡文瑾加恩賞給銀二百兩以守備陞用仍賞
戴藍翎蘇貴等四名著加恩各賞給銀一百兩以
外委拔補俱著賞戴藍翎又盤獲王廷詔胞姪王
騰鳳之兵丁傅文開張洪楊玉俸差役李朝郭斌
等五名業經分賞銀五十兩著再加恩每人給賞

銀二十兩以示優獎

欽定剿平三省邪匪方略正編卷二百七十

辛酉年

八月十五日

己未

德楞泰奏言

臣

前在太平山內

將龍紹周等股匪疊次剿殺剩一千五六百人

由黃連壩東走向大寧和岡溪徐家壩奔逃旋

據探報龍逆等竄往蝦蟆峽後坪一帶老山仍

飛飭副將李應貴叅將馬元等帶領步隊兵勇

緊跟尾追

臣

督同賽冲阿溫春色爾滾馬瑜蒲

尙佐並侍衛將弁帶領馬步兵勇由小禾田抄
出史家壩三十日趕抵該處適賊前隊已過祇
有守後賊匪三百餘人被李應貴等追至牛山
該逆恃其地勢陡險推下亂石滾木適臣一路

馬步官兵迎殺前來賊衆卽棄險旁竄兩軍乘
勢追剿三十餘里至焦山共殺賊一百餘名生
擒唐成俸等五十三名餘匪由竹山縣屬之梨

于坪泉入老林向謝家坪而逆訊據獲犯供稱
今日係支姓元帥帶領三百餘戰手埋伏林內
圖攔官兵不料官兵殺進支元帥先已逃走等
語餘無要供當卽正法查老林內路徑崎嶇馬
匹難行仍令李應貴等跟躡賊蹤

臣

卽取道張

公橋顧住東北面進發初三日途次元狐嶺接
據李應貴等稟報初二日午刻翻過界嶺值賊

匪在山坳歇息官兵疾趨而下有一賊目持矛督衆抵拒經叅將馬元帶領兵勇撲入賊隊殺賊百餘名將該逆戮倒該逆自稱支元帥不想今日死在此地派兵細縛時已氣絕卽將首級割下衆賊亡命奔逃經兵勇趕殺斃賊一百餘名生擒李文彩等共計七名口復趕追二十餘里又殺賊五六百名生擒僞元帥支茂乾之妻

陳氏姜洪斌之妻文氏並閔忠林等四十一名
口餘匪向房縣之黃柏坪奔興山之天池垣木
水坪老林一帶逃竄並將獲犯解營初四日遂
次又據李應貴等稟報初三日在廟嶺子老林
內追上賊尾該逆越過興山縣屬之青田泡散
爲三股分走左右山梁該副將等亦卽分兵極
力趕追直至木水三坪女兒溝一帶沿途殺賊

八十餘名生擒熊敏書鄧劉氏等一百二十三
名口因雨勢較大計行已有一百二三十里前
途箐林深密未能再進餘匪六七百人由興山
巴東之南山老林奔竄現在緊躡追剿所獲各
犯一併解送來營

臣

復訊據支陳氏供稱伊丈

夫支茂乾與龍紹周姑表弟兄二年間同時起
事四年間樊人傑封爲僞元帥龍紹周爲老掌

櫃營裏原有七八千人驟馬千餘今剩數百人
龍紹周常時啼哭總在老林內逃奔不敢出山
等語隨將割獲首級令該犯指認實係支茂乾
痛哭不已又訊據戰手唐成俸等供亦相同當
將真正賊匪二百五十餘名概行正法其陸續
投出之丁朝選劉永超穆趙氏謝韓氏等一百
九名口無論賊匪難民俱皆照例撫卹省釋其

支陳氏姜文氏例應緣坐解送大寧縣監禁候
辦查龍逆賊匪疊次追殲所餘無幾萬不敢由
東北走東湖及房縣平原地方現在所竄南山
一帶逼近巫山之大峯界嶺大昌等處自必向
西南鑽林越箐遁回川境臣經過徐家壩因兵
勇追剿日久不無疲乏當卽飛調駐防大寧鹽
場之副將唐朝臣帶令生力兵勇八百名前來

協剿仍酌留遊擊李光晟帶兵勇三百餘名在
卡防守一俟此股掃除卽令該副將回駐原卡
臣
卽移師回川剿辦另股賊匪斷不敢稍稍時
日

德楞泰又奏言 臣 欽奉

諭旨令查現在川陝楚三省各股賊首及附從大概
數目伏思川陝楚三省從前賊股旣多人數亦

衆疊被各路官兵分投擒殲如極惡首逆齊王
氏姚之富高均德張漢潮楊開甲伍金柱伍懷
志高二高三馬五王廷詔王三槐羅其清冉文
儔冷添祿冉添元王登廷陳德倖龔文玉卜三
聘陳朝觀張允壽徐添德等數十名尙有未經
奏明大小賊目百餘名先後均被掃除又將王
鎮賢卽王國賢徐添壽二逆擒殲此時祇有襄

陽四川著名首逆樊人傑冉學勝龍紹周苟文
明張添倫湯思蛟劉朝選辛總高見奇魏梓棒
顏勝可冉添泗唐明萬苟文富李彬曾芝秀戴
四掌櫃崔宗和胡明遠趙鑑羅半年等共計二
十一犯其中成股賊匪現在川省者有湯思蛟
一股前由七里溝入太平山內劉朝選辛總合
夥之賊亦尾跟前遁現探湯逆知臣兵在太平

山內折回東鄉與劉朝選併合共計不過三千人至開縣燈草壩一帶經七十五剿敗後約剩不過二千人七十五現仍跟蹤追剿辛總分股折回大寧山內約計不過四五百人高見奇魏棒棒顏勝可等三逆合爲一股現在廣元南江一帶約二千餘人勒保業已帶兵趕赴剿辦經畧額勒登保已派叅將蕭福祿帶兵由廣元前

來追剿苟文明等一股約二千餘人仍在太平
山內游奕羅半年一股約二千餘人現在通江
南江山內有阿哈保薛大烈等帶兵剿辦屠明
萬一股約四百人亦在太平山內再添泗一
股約四五百人現又竄至大寧老林苟文富一
股約千餘人現在通江巴州一帶張姓賊匪
一千餘人不知名字或卽係張萬林亦未可定

此川省現有之賊匪也其在楚省者有戴四掌
櫃崔宗和胡明元趙鑑等四逆合夥一股約有
一千餘人由陝竄入楚境邊界於七月二十七
日自竹山羅漢洞竄走向家壩總兵孫清元等
現在帶兵追剿已有入川之勢又探得巫山巴
東界連老林內有賊匪一股約千餘人據難民
供稱首逆姓李不知名字係四川人或係李彬

亦未可知又王姓劉姓一股賊匪約二千八前
在楚陝界上額勒登保已派總兵穆克登布帶
兵追剿至平利黑虎廟一帶仍有回陝之勢此
楚省現有之賊匪也其在陝省者有張添倫曾
芝秀等數股敗殘餘匪合夥約有二三千人現
在安康沿河等處業經額勒登保派兵剿辦冉
學勝一股只有二百餘人山川折竄回陝副將

應元寬帶兵跟剿此陝省現有之賊匪也至龍
紹周等一股被大兵疊次擒斬窮追只餘六七
百人窮蹙之極現又奔入興山巴東之南山老
林逃竄統計川陝楚三省現有賊匪約共一萬
九千餘人惟查樊人傑張應祥張金連姚馨佐
等逆本屬無幾向俱附於別股賊內未知近來
又附何處又三省邊界沿山一帶尚有零星散

賊往來藏匿或數十人或二三百人不等均係

各路官兵剿敗殘孽有鎗礮者甚少臣現在趕

剿之龍逆日內卽可得手如掃除後擬卽仍由

大寧之湯家壩至太平山內剿辦各股賊匪又

可就近至太平整頓兵馬再行前赴川北與勒

保分投籌辦再據夔州府方積具稟奉勒保札

知撥運餉銀三萬兩又署奉節縣知縣徐大椿

差解布鞋二千雙馬掌一千副均已到營卽令
連夜支放分給官兵得此接濟倍形鼓舞奏入
上命軍機大臣傳諭德楞泰曰龍紹周等股賊匪經
德楞泰疊次截剿祇剩一千五六百人向大寧奔
逃茲復經德楞泰督同賽冲阿溫春等並分飭副
將李應貴叅將馬元等沿途截擊殲擒賊匪七百
餘人戮斃僞元帥支茂乾所剩不過數百人不致

竄近平原已向巫山火峯界嶺等處仍欲折回川
境德楞泰督率官兵緊蹙追剿實屬不遺餘力所
辦俱好此股賊匪剿淨後德楞泰視何處緊要卽
統領勝兵前往該處剿辦其撲入賊隊將支茂乾
戳倒之叅將馬元甚爲奮勇著加恩以應陞之缺
卽行陞用又川陝楚三省各股賊匪據稱著名首
逆樊人傑等共計二十一犯內再添泗一犯昨據

額勒登保奏到業經擒獲此時各股賊首賊目祇有二十人賊匪不過萬餘較三四年前尙不及一股之多但從前賊匪雖衆皆係各聚一處官兵轉可痛加殲戮今賊勢日減一見官兵卽四散奔逃忽東忽西倏分倏合賊數雖少轉可牽綴官兵若不察探路徑一味窮追未免徒疲兵力德楞泰務當於賊匪散竄時探明確蹤抄覓捷徑扼其去路

俾賊匪無從奔竄定能尅日掃除況日下賊首中
不但如著名老教之劉之協王廷詔等現無其人
並不及高三馬五等之兇悍此時功屆垂成德楞
泰自當以奮力追剿爲正辦倘其中有實在悔罪
投出者亦尙可貸其一死用示法外之仁若大局
全竣或有一二首逆隻身潛匿官民等隨處隱時
可以盤獲卽如劉之協一犯雖竄匿多年終歸弋

獲但必須將各股糾集之賊一一剿除不復成夥
便可不煩官兵搜捕此時賊已渙散務當趁官兵
勝勢於八九二月歲事斷不可再有遲緩再昨據
額勒登保奏生擒首逆王士虎冉添泗一摺查
本年二月初九日先經勒保奏接據七十五次信
在獅子嶺地方與賊接仗經侍衛武隆阿總兵傅
森額帶領馬隊將督戰之賊亂箭射死即令功獲

各賊認出首逆王士虎屍身箭鏃屬實當經降旨
將七十五武隆阿傳森額交部議敘今額勒登保
一路所獲王士虎一犯業經訊明供認鑿鑿則前
次七十五所報顯有錯悞若彼時七十五因接仗
匆忙之際不及詳查輒憑獲賊認供具報勒保入
奏其咎祇於冒昧疎忽所有前次議敘亦應撤回
至武隆阿傳森額臨陣專以殺賊爲事自不暇詳

察何人其用箭射死者卽非王士虎而直前衝入
箭斃督陣之賊究有微勞伊二人所得議敘均不
必撤回如七十五並未將射斃之賊令獲賊指認
卽假稱爲王士虎謊報總督則七十五有意冒功
不但應將議敘撤回並當治以虛捏之罪此時德
楞泰在川東一帶剿賊著交伊就近查詢此事係
勒保轉據七十五所報入奏德楞泰無所用其迴

護務卽詳查確據奏聞核辦

同日吳熊光全保長齡奏言查前次二竹北界

王山賊股經臣長齡會同穆克登布追剿至平

利地方又房屬南面與大寧交界有李明一股

折回經臣全保督率官兵迎頭遏截至向家壩

一帶各股匪衆總恃楚省沿邊一帶多係老林

仍不時往來窺伺臣等正在查照額勒登保咨

到章程札商籌布間

臣

長齡一路據報王山一

股經穆克登布在陝境躡蹤剿急復繞近竹谿

盧溝一帶當派侍衛呢瑪善遊擊王占鰲等挑

帶兵勇乘夜往撲賊營見賊四面屯紮卽拋擲

火彈一擁而進斃賊七十餘名

臣

長齡卽率副

將海麟等分三路前進斃賊三百餘名生擒劉

維定等五十四名餘匪卽迤北而西走會家壩

仍人平利境逸去提訊活賊供稱此股賊目王
山本在青號徐添德夥內今因陝省別無股匪
思仍在竹谿搶劫糧食找尋大股合夥當將該
犯等駢戮臣全保因賊匪大股皆入川境南而
邊防較之西北尤爲喫緊設法將李明一股逼
剿至南山老林不使深入腹地與吉林秦分帶
官兵包住東北兩路緊進沿途擒獲活賊三十

餘名隨時正法二十四日吉林泰一路前隊官

兵趕至斑竹園知該匪亡命南奔已從向家屬

竄赴大禾田人大寧地界

臣

全保恐其由馬鬃

嶺折回卽督同孫清元帶領官兵由蓮湖坪防

剿旋據哨探前途羅漢洞一帶另有賊隊大股

屯聚山溝遂督率孫清元等帶領馬步隊趕至

黃龍洞嶺上適吉林泰亦探知羅漢洞有賊由

三里坡帶領官兵折回兜剿

臣

全保察看該處

兩面大山陡立遂繞道知會吉林泰兩邊均用
馬隊一自南而北一自北而南抄至溝口仍挑
撥奮勇官兵攀依樹木直下匪衆吶喊潰逃其
執持器械者尙思抗拒衝突欲逃出溝口經馬
隊鎗擊箭射立斃一百餘人兵勇趁勢突入賊
隊賊衆奪路散竄乘天晚越澗南遁是日斃賊

共四百餘人生擒三十七名訊係戴四及崔宗和股內餘匪共一千七百餘人原想閃過官兵向東路掠食後面尙有龍元帥辛元帥等大隊賊衆因川兵追急亦欲竄到湖北等語當將正賊林國棟等二十九名正法其被脅之張鳳鳴等八名暨程袁氏李大姑等五口皆訊明分別寧釋兵勇間有傷亡另行查明咨部二十六七

等日乘銳緊進擒獲落後賊匪二十一人至長
春壩衆匪已窮敗出走大寧遁入老林前竄

全保一面將額勒登保指定要隘令孫清元等
於紅坪向家壩等處搜淨餘匪後卽次第佈置
一面因邊卡大局須酌搭官兵通盤籌畫當卽
輕騎由官渡一帶查看後路卡隘以便抽撥兵
勇移前安設途次接據竹山縣稟報北面白河

竹山交界有零匪一股數百人係穆克登布剿
敗青號餘匪復會集折至門樓溝一帶滋擾有
竄東北之勢查該處貼近黃龍灘通鄖均要路
雖先經臣吳熊光長齡派有叅將承祿守備李

拱鄧興相知縣徐如瀨等堵剿臣全保恐兵力

不敷分布卽親率侍衛塔津保叅將孫應奉等
帶馬步隊二百餘名自南抄東由北新河緊進

通頭剿辦

臣

長齡將王山賊股截剿出境至竹

谿西南一帶督率德昌佈置隘卡行至泉溪據

差探南路復有賊股由磁器山老林內翻入潛

至邊界王家山一帶藏匿稱係辛逆及崔胡股

匪會合折回隨率德昌分路包北面兜截

臣全

保聞信飛札孫清元吉林泰等卽由向家壩抄

至白河口顧住東路攔擊以期兩而夾攻且獲

賊等既有龍逆亦要竄入湖北之供恐賊於九

道梁一路分股牽制

臣

吳熊光亦已飛飭孫清

元等分兵兜截並派總兵王懋賞酌帶兵勇三

百名前往會同孫清元等相機攔禦以期連絡

聲勢惟邊卡尙未布置整齊該匪繞道猝至又

不得不就此兵力先行分途遏剿俾境內統就

廓清庶得將西南北三面卡隘安設再照額勒

登保所派責成各鎮分段防守事臣吳熊光接

據探報叅贊德楞泰業由張公橋一路追剿難

紹周股匪人楚臣當卽籌撥餉銀迎赴軍營支

放兵餉又飛飭各州縣趕將備貯兵糧探明軍

行所向源源運供并挑備馬匹騾頭解往以備

騎乘至餉銀一項前蒙

賞撥東豫兩省銀三十萬兩除陸續動支外本可敷

八九兩月之用今又有川省大兵入楚需用未免加增已飛飭藩司籌撥接濟奏入

上命軍機大臣傳諭吳熊光全保長齡曰王山李明兩股竄匪在楚省沿邊一帶老林不時窺伺此次繞近竹谿房縣一帶經全保長齡等督率鎮將分投兜剿將兩股賊匪殲擒九百餘名該匪等仍向平利大寧境內逸去所辦尙好現在各股賊匪皆

石川楚交界一帶潛匿遇川省官兵剿急卽思折
回楚境此時自以防堵爲要著吳熊光等將各處
卡隘速行布置嚴密督飭鎮將等分段防守不可
稍有疎懈設遇賊匪折回楚境時卽能殲除淨盡
固屬甚善否則必將賊匪逼令出境斷不可任其
深入腹地倘或防堵不嚴以致乘間闖入復有蔓
延則惟吳熊光等是問至稱德楞泰帶兵入楚運

供糧餉一節本日據德楞泰奏龍紹周等股賊匪業已殲戮殆盡餘匪竄向巫山火峯界嶺等處德楞泰緊蹙追剿不日可以辦淨卽往川北一帶另剿他股之賊不須再赴湖北且勒保處現已撥運餉銀三萬兩交德楞泰軍營接濟此時湖北軍餉當不致遽形拮据也

十七日辛酉陸有仁奏言查伍逆零匪自賴元秀

一股剿淨後尙有兩股約四五百人分竄深山

老林隨處潛匿

臣

節經移行劉之仁及通判

昂並帶兵各將弁務須挑派奮勇裹帶乾糧凡

穿林越箐之處賊到而兵勇亦到不予以片刻

之暇使其無從掠食力盡勢窮自無難卽時殄

滅茲據叅將吳亨衍稟報會同遊擊楊吉等挑

帶奮勇在盤屋黑屹峪一帶趕上賊蹤痛加殲

剿斃賊二百餘人生擒賊目袁開仁等二百餘
名交盩厔縣分別辦理餘匪僅存七八十人現

在分投搜剿

臣

當將出力兵勇優加獎賞並勉

勵該叅將等趁此勝勢將餘匪殲除淨盡至川

陝邊界冉學勝等股賊匪分竄至西鄉之松樹

壩大河壩一帶楊遇春帶兵趕到松樹壩痛加

截剿斬獲數百人並經大河壩觀音寨等處寨

勇聯絡肅整幾賊甚多餘匪逃入老林又高見
奇魏棒棒賊匪經川省官兵剿敗後竄近南鄭
哨風樓花石梁卡隘俱經卡勇寨民協力堵截
未令闌入現亦竄近西鄉勒保薛大烈等緊躡
兜剿又青號及王山股匪竄至平利化龍山經
穆克登布等帶兵趕剿殲獲甚多餘匪三四百
人亦已逸入川省太平邊界穆克登布等緊躡

追截所有各路軍營糧餉臣業飭委員並地方
官隨地隨時源源接濟奏入

上命軍機大臣傳諭陸有仁曰伍逆餘匪竄匿老林
前經降旨專交陸有仁嚴催趕緊搜剿茲據該撫
飛行劉之仁等帶領兵勇在盤屋一帶痛加剿殺
共計殲擒三百餘名所辦尙好現在餘匪僅存七
八十人自無難卽時殄滅應卽催令劉之仁等上

緊搜捕勿留遺孽伍逆餘匪雖非大股但各將弁等帶兵剿辦亦有微勞著陸有仁於南山內各股全數搜捕淨盡後將出力人員查明具奏候朕加恩

二十日^{甲子}勒保奏言竊^臣督兵探剿高魏二逆

初五日行至南江之碑壩地方探得該逆等被追情急先後皆深入老林高逆一股由西河口

竄至坪溪一帶係出通江之路魏逆一股已由

礪礪竄至松坪尾隨高逆之後臣思官兵若從

老林尾追山路崎嶇勢不能迅速趕上且高逆

在前魏逆在後我兵卽趕及魏逆跟尾追剿轉

恐高逆聞風遠竄因派田朝貴分帶兵勇跟賊

尾追虛作聲勢截其回竄之路臣與阿哈保薛

大烈等帶領大隊官兵并蕭福祿一路兵勇從

碑壩轉回由山南間道向通江一路兜截初六
日行抵壩溪據探報高逆被剿窮蹙意欲由老林
仍回陝境竄至空山壩遇冉學勝股匪從東面
老林竄來因與高逆會合又由坪溪轉回現在
已至盧家灣一帶屯聚其地與壩溪相去四五
十里臣聞信卽與阿哈保薛大烈等商議冉逆
素稱狡猾此時與官兵僅隔一道大山若聲張

前進恐又聞風竄逸

臣

因令兵勇暫紮起更後

卽乘夜發兵先派阿哈保率同副總管格亨德

爾等帶領滿漢官兵并蕭福祿一路兵勇由右

手山溝繞出截住由呂洞溝竄出之路又派遊

擊百之璉帶領鄉勇由左手山溝繞出向龍竹

垭埋伏截其北竄老林之路

臣

督同薛大烈協

領達斯呼爾岱等由水田壩過河向土堡寨中

路翻山前進黎明我兵趕抵盧家灣賊衆正在
起竄經達斯呼爾岱委叅領依爾庚阿副將張
績海常叅將羅聲舉遊擊傅廷佐等出其不意
驅兵直前衝殺賊衆驚慌拋棄騾馬輜重紛紛
亂竄官兵分投追剿其竄左路之賊經晉之璉
桂涵等在龍竹埡帶領鄉勇突出截剿其竄右
路之賊經阿哈保與蕭福祿等由呂洞溝兜擊

三路官兵併力追殺刀砍矛戳匪衆滾崖逃竄
跌死甚多時有騎馬一賊被迫緊急棄馬滾崖
當經兵丁敖吉高謝加林陳泳安三人跳崖趕
擒該匪情急隨拔小刀自刎經敖吉高向前奪
住小刀謝加林陳泳安卽幫同擒住見其左眼
眶周圍青黑當卽查訊姓名據稱係老藍號元
帥青眼窩冉學勝其餘各路官兵均有擒獲餘

匪約計尚有數百人散竄深山密林當派兵勇分投搜捕至晚各隊官兵歸集在黃連垓暫紮查得此次打仗約共斃賊五百餘名生擒四百十二名奪獲旗幟刀矛八百件累馬百餘隨提驗冉學勝抹傷甚輕訊據供係隨同張漢潮劉起榮在襄陽起事伊二人死後衆人卽推我爲元帥到處擄掠抗拒官兵今年在陝西八道河

地方經官兵打敗剩戰手四百餘人六月內由
兩扇門翻入川境總在太平大寧一帶深山老
林藏匿因無處掠食近日由太平高頭壩翻西
鄉老林竄出通江地方八月初三日走到空山
壩遇齊家營一千餘人同紮一處次日高家營
由南江老林竄來本要逃往西鄉因遇我來商
量合夥其時高家營有探聽官兵信息之人說

川北祇有一路官兵連日在老林內追魏家營
所以衆人商議南江廣元一帶正是收割時候
不如趁空由陳家壩朱家壩一路躲過官兵前
往擄食齊家營要上陝西不肯同行就在空山
壩分路翻過老林不知何往我同高家營來到
此地不料今日忽有官兵到來衝散我原想跳
崖逃去被官兵拏住等語並提現獲各賊質認

屬實又於各賊內訊出襄陽老掌櫃鄧金祥偽
總兵岳興先鋒韓二思探馬頭王作貴總旗手
李興忠周官銘等六名並戰手毛潮骨等一百
六十一名又被擄離民楊文注李呂氏等男婦
二百四十四名口伏查冉學勝一犯積年首逆
最爲兇悍狡猾今幸仰仗

天威得以臨陣生擒自當速正刑誅臣審明後卽

割示衆其鄧金祥等六名均係助惡要犯一併
凌遲處死戰手毛潮骨等一百六十一名概行
正法被擄男婦給與路票口糧分別遞籍釋放
再查擒獲冉學勝之兵丁敖吉高謝加林陳泳
安應遵前奉

諭旨分別陞賞但冉逆近勢窮蹙非春夏間鴟張可
比臣酌賞銀一千兩以五百兩賞給敖吉高並

請仍以千總拔補以五百兩分賞謝加林陳泳
安二人均請以把總拔補至川省官兵自夏秋
以來節次打仗得勝殲擒賊首尤爲出力之將
弁兵勇昨已懇

恩陞賞其餘兵勇奔走深山老林中辛苦日久亦不
可不普加犒賞以廣

聖主鴻仁臣又於賞項內提銀三千兩傳集各營各

隊兵勇均勻分賞再此次打仗有副將海常叅
將蕭鳳來遊擊晉之璉三員尤爲超衆出力又
委叅領依爾庚阿左腿受有石傷骨損現在飭
醫調治尙可冀望就痊該員前已保列不敢再
乞

恩施其餘僅陣亡兵丁一名受傷兵丁六名另行咨
部辦理至該逆等剿散餘匪現向彌陀寺一帶

奔竄並探齊家營一股竄往西河口一路又魏

逆一股尙在松坪老林

臣

惟有率同阿哈保薩

大烈蕭福祿帶同兵勇確探賊蹤分投趕緊兜

剿再蕭福祿帶兵兜剿手賊匪甚爲出力劉滿貴

更爲奮勇該二員皆係曾經獲咎之人各能勉

力自贖

臣

不敢墮於上

聞奏入

上命軍機大臣傳諭勒保曰此次分派鎮將跟剿高
魏二逆勒保與阿哈保薛大烈等帶領大隊向通
江一路兜截探知冉學勝股匪由東面老林竄來
與高逆會合卽乘夜發兵分投截擊三路並進冉
學勝因追剿緊急棄馬滾崖當經生擒並將高家
營老掌櫃鄧金祥等一併弋獲殲擒賊匪九百餘
名所辦實屬可嘉冉學勝與張漢潮劉起榮在襄

陽起事抗拒官兵到處滋擾及至潰敗情急跳崖
希圖自刎經官兵奪刀擒縛明正刑誅此等罪惡
貫盈首逆實爲

天理所不容豈能倖逃顯戮詳閱勒保所訊該犯供詞
其起事勾結及節次竄擾情形厯厯如繪其爲正
犯無疑勒保督率調度厥功甚懋著加恩給還總
督頭品頂戴并封爲三等男爵仍加賞玉搬指玉

大吉四喜牌金鑲玉帶板大小荷包阿哈保薛大
烈自帶兵以來屢次殺賊立功節經陞賞茲復親
率官兵生縛渠逆均爲奮勉出力著加恩各賞給
雲騎尉世職並加賞玉搬指玉大吉四喜牌大小
荷包以示優獎副都統銜協領達斯呼爾岱委叅
領依爾庚阿副將張績海常叅將羅聲舉遊擊傅
廷佐晉之璉桂涵帶領兵勇分路截剿亦屬奮勇

均著交部議敘海常晉之璉與叅將蕭鳳來俱著
賞戴花翎冉學勝跳崖時當經兵丁敖吉高謝加
林陳泳安三人跳崖趕拏冉學勝遂欲拔刀自刎
敖吉高向前奪過小刀謝加林陳泳安幫同擒住
業經勒保遵照懸賞諭旨分賞銀兩敖吉高著以
千總拔補謝加林陳泳安著以把總拔補並加恩
均賞戴藍翎發土一搬指套鼻烟壺各十件交勒保

分賞出力將弁至川省兵勇自夏秋以來節次打仗得勝殲擒賊首奔走深山老林勞苦出力現經勒保於前次賞項內撥出銀三千兩普加犒賞著再發去一兩重銀牌二百面五錢重銀牌二百面交勒保再行給賞此次出力兵勇以示朕有加無已恩意至蕭福祿隨同阿哈保帶兵兜剿賊匪甚屬出力其所帶革職遊擊劉滿貴更爲奮勇蕭福

祿著加恩賞給副將銜劉滿貴著加恩賞給守備銜俾知鼓勵現在冉學勝高家營剿散餘匪向彌陀寺一帶奔竄齊家營一股竄往西河口魏逆一股尙在松坪老林屯聚該匪等聞知冉逆被擒自必勢如瓦解勒保務當督率阿哈保薛大烈蕭福祿等趁此兵威勝勢尅日悉數殲除並督飭七十五將湯劉等股一律辦竣俾川省全境肅清再將

勒保等優加懋賞